

# MISSALETTE

5 Abril 2026 • LINGGO NG PASKO NG MULING PAGKABUHAY • Taon A, B, K



## SI KRISTONG ATING PAG-ASA, NABUHAY NA MULI, ALELUYA!

**A**ng kagalakan ng Muling Pagkabuhay ay pumupuno sa ating mga puso at nag-uudyok sa atin na ibahagi ito sa lahat. May nangyaring kahanga-hangang—hindi lamang kay Hesus kundi sa atin din: tayo ay nabuhay sa bagong buhay. Pinagbago sa panahon ng Kuwaresma, iniawan natin ang kasalanan at kahinaan upang makibahagi sa buhay na ibinibigay ni Kristo sa lahat ng sumasampalata sa Kanya bilang Panginoon.

Kasama ng papuri ng Simbahan sa Pasko ng Pagkabuhay na ipinahayag sa “Awit Tungkol sa Mabuting Balita” ngayong araw, nagpapasalamat tayo kay Hesukristo, ang Hain para sa tao, ang Prinsipe ng Buhay, na matagumpay na naghahari laban sa kasalanan at kamatayan. Si Kristong Muling

Nabuhay ay ang ating kagalakan, kapayapaan, at lakas upang mamuhay bilang mas mabubuting Kristiyano.

Isang mapagpalang Pasko ng Pagkabuhay sa inyong lahat! Siyang Prinsipe ng Buhay at walang hanggang naghahari sa kasalanan at kamatayan. Siya ang dahilan ng ating kagalakan. Siya ang pinagmumulan ng ating kapayapaan at ng ating matibay na hangaring maging mas mabubuting Kristiyano.

**N.B.:** Sa lahat ng mga Misa ngayong araw na ito, ang Pagsisisi at ang Sumasampalataya ay lalaktawan; ang mga ito ay nasasaad na sa Pagsasariwa sa Pangako ng Binyag.

### PASIMULA

#### PAMBUNGAD

*(Ipahahayag lamang kung walang awiting nakahanda.)*

Ang Panginoon’y nabuhay!  
Paghahari’t karangalan  
ay kanya magpakailanman.  
Aleluya! Ipagdangal  
ang kanyang kadakilaan. *(Lc 24, 34; Pah 1, 6)*

#### PAGBATI

**P**—Purihin si Hesukristo na matagumpay na bumangon mula sa kamatayan. Ang kanyang pagpapala at kapayapaan ay sumainyong lahat!

**B**—At sumaiyo rin.

#### PAPURI

**B**—Papuri sa Diyos sa kaitaan  
at sa lupa’y kapayapaan sa mga taong kinalulugdan  
niya.

Pinupuri ka namin,  
dinarangal ka namin,  
sinasamba ka namin,  
ipinagbubunyi ka namin,  
pinasasalamatan ka namin  
dahil sa dakila mong angking kapurihan.  
Panginoong Diyos, Hari ng langit,  
Diyos Amang makapangyarihan sa lahat.  
Panginoong Hesukristo, Bugtong na Anak,  
Panginoong Diyos, Kordero ng Diyos, Anak ng  
Ama.

Ikaw na nag-aalis ng mga kasalanan ng sanlibutan,  
maawa ka sa amin.

Ikaw na nag-aalis ng mga kasalanan ng sanlibutan,

This issue of Misalette may be downloaded for free anywhere in the world. A “love offering” for the continuation of our apostolate will be appreciated. Please, send your donation to “Word And Life Publications.” Our Savings Account is BPI – # 3711-0028-46. Send us an email of a copy of the deposit slip with your name for proper acknowledgment. See contact details on the last page. Thank You!

tanggapin mo ang aming kahilingan.  
Ikaw na naluluklok sa kanan ng Ama,  
maawa ka sa amin.  
Sapagkat ikaw lamang ang banal,  
ikaw lamang ang Panginoon,  
ikaw lamang, O Hesukristo, ang Kataas-taasan,  
kasama ng Espiritu Santo  
sa kadakilaan ng Diyos Ama. Amen.

### PANALANGING PAMBUNGAD

**P** – Ama naming makapangyarihan,  
ngayo’y binuksan mo para sa amin ang pinto ng  
kalangitan  
sa pananaig ng iyong Anak sa kamatayan.  
Ipagkaloob mong sa pagdiriwang namin sa  
Pasko ng Pagkabuhay  
kami’y mabuhay sa pagpapanibagong dulot ng  
iyong Espiritu  
sa kaliwanagan ng buhay mo,  
sa pamamagitan ni Hesukristo  
kasama ng Espiritu Santo magpasawalang  
hanggan.

**B** – Amen.

### PAGPAPAHAYAG NG SALITA NG DIYOS

#### UNANG PAGBASA

Gawa 10, 34a. 37-43

Pagbasa mula sa mga Gawa ng mga Apostol

Noong mga araw na iyon, nagsalita si Pedro, “Alam ninyo ang nangyari sa buong Judea na nagsimula sa Galilea nang mangaral si Juan tungkol sa binyag. Ang sinasabi ko’y tungkol kay Hesus na taga-Nazaret. Ipinagkaloob sa kanya ng Diyos ang Espiritu Santo at ang kapangyarihan bilang katunayan na siya nga ang Hinirang. Sapagkat sumasakanya ang Diyos, saanman siya pumaroon ay gumagawa siya ng kabutihan at nagpapagaling sa lahat ng pinahihirapan ng diyablo. Saksi kami sa lahat ng ginawa niya sa lupain ng mga Judio at sa Jerusalem. Gayunman, siya’y ipinako nila sa krus. Ngunit muli siyang binuhay ng Diyos sa ikatlong araw. Napakita siya, hindi sa lahat ng tao kundi sa amin lamang na noon pang una’y pinili na ng Diyos bilang mga saksi. Kami ang nakasama niyang kumain at uminom pagkatapos na siya’y muling mabuhay. Inatasan niya kaming mangaral sa mga tao at magpatotoo na siya ang itinalaga ng Diyos na maging Hukom ng mga buhay at mga patay. Siya ang tinutukoy ng mga propeta nang kanilang ipahayag na bawat mananalig sa kanya ay tatanggap ng kapatawaran sa kanilang mga kasalanan, sa pamamagitan ng kanyang pangalan.”


Ito ang Salita ng Diyos.

**B** – Salamat sa Diyos.

### SALMONG TUGUNAN Sal 117, 1-2, 16ab-17. 22-23

**B** – Araw ngayon ng Maykapal,  
magalak tayo’t magdiwang.

R. M. Velez



- \* O pasalamatan  
ang D’yos na Panginoon, pagkat siya’y  
mabuti;  
ang kanyang pag-ibig  
ay napakatatag at mananatili.  
Ang taga-Israel,  
bayaang sabihi’t kanilang ihayag,  
“Ang pag-ibig ng Diyos ay hindi kukupas.”  
**B.**

- \* Ang lakas ng Poon,  
ang siyang nagdulot ng ating tagumpay  
sa pakikibaka sa ating kaaway.  
Aking sinasabing  
di ako papanaw, mabubuhay ako  
upang isalaysay  
ang gawa ng Diyos na Panginoon ko. **B.**
- \* Ang batong natakwil  
ng nangagtatayo ng tirahang-bahay,  
sa lahat ng bato’y higit na mahusay.  
Ang lahat ng ito  
ang nagpamalalas ay ang Panginoong Diyos.  
Kung iyong mamasdan ay kalugud-lugod. **B.**

#### IKALAWANG PAGBASA

1 Co 3, 1-4

Pagbasa mula sa Sulat ni Apostol San Pablo sa mga taga-Colosas

**Mga kapatid:**

Binuhay kayong muli, kasama ni Kristo, kaya’t ang pagsumakitan ninyo ay ang mga bagay na nasa langit na kinaroroonan ni Kristo na nakaupo sa kanan ng Diyos. Isaisip ninyo ang mga bagay na panlangit, hindi ang mga bagay na panlupa, sapagkat namatay na kayo at ang tunay na buhay ninyo’y natatago sa Diyos, kasama ni Kristo. Si Kristo ang tunay na buhay ninyo, at pag siya’y nahayag, mahahayag din kayong kasama niya at makakahati sa kanyang karangalan.

Ito ang Salita ng Diyos.

**B** – Salamat sa Diyos.

## AWIT TUNGKOL SA MABUTING BALITA

*N–Kasama ang sinaunang makata, ipahayag natin ang galak ni Maria Magdalena sa Muling Pagkabuhay ni Hesus.*

**B** – Purihin si Hesukristo,  
hain para sa tao.  
Nagligtas na Kordero  
nang makasundo tayo  
ng Amang Lumikha nitong mundo.  
Buhay at kamatayan  
kapwa nagtunggalian  
at ang nagtagumpay  
“Pagkabuhay.”  
Ano ba, Maria,  
ang ’yong mga nakita?  
Puntod ni Kristong nabuhay,  
liwanag niya’t kaningningan.  
Anghel na malinaw, kumot at kasuutan.  
Buhay si Kristong pag-asa,  
pupunta s’ya sa Galilea.  
Kami’y sumasampalatayang  
buhay kang talaga,  
Hari ng ligaya,  
magbasbas ka.

## ALELUYA

1 Cor 5, 7b-8a

**B** – Aleluya! Aleluya!  
Si Kristo’y inihain na  
pamaskong maamong tupa.  
Magsalo tayo sa kanya.  
Aleluya! Aleluya!

## MABUTING BALITA

Jn 20, 1-9

**P**– Sumainyo ang Panginoon.

**B**– At sumaiyo rin.

**P** – Ang Mabuting Balita ng Panginoon ayon kay San Juan

**B**– Papuri sa iyo, Panginoon.

Madilim-dilim pa nang araw ng Linggo, naparoon na si Maria Magdalena sa libingan. Naratnan niyang naalis na ang batong panakip sa pinto ng libingan. Dahil dito, patakbo siyang pumunta kay Simon Pedro at sa alagad na mahal ni Hesus, at sinabi sa kanila, “Kinuha sa libingan ang Panginoon at hindi namin alam kung saan dinala!” Kaya’t si Pedro at ang nasabing alagad ay nagpunta sa libingan. Kapwa sila tumakbo ngunit si Pedro’y naunahan ng kasamang alagad. Yumuko ito at sumilip sa loob. Nakita niyang nakalagay ang mga kayong lino, ngunit hindi siya pumasok. Kasunod niyang dumating si Simon Pedro at tuluy-tuloy itong pumasok sa libingan. Nakita niya ang mga kayong lino, at ang panyong ibinalot sa ulo. Hindi ito kasama ng mga kayong lino, kundi hiwalay na nakatiklop

sa isang tabi. Pumasok din ang alagad na naunang dumating; nakita niya ito at siya’y naniwala. Hindi pa nila nauunawaan ang nasasaad sa Kasulatan, na kailangang muling mabuhay si Hesus.

Ito ang Mabuting Balita ng Panginoon.

**B**– Pinupuri ka namin, Panginoong Hesukristo.

## HOMILIYA

### PAGSASARIWA SA PANGAKO SA PAGBIBINYAG

*N– Gaganapin ang Pagsasariwa sa Pangako ng Pagbibinyag sa halip na Pagpapahayag ng Pananampalataya.*

**P**– Mga kapatid,  
sa misteryo ng Pasko ng Pagkamatay at Pagkabuhay ni Kristo,  
tayo’y nalibing kasama niya noong tayo’y binyagan  
upang kasama rin niya tayo’y makabangon at makapagbagong-buhay.  
Naganap na natin ang Apatnapung Araw na Paghahanda,  
kaya’t sariwain natin ngayon ang ating pangako sa pagbibinyag.  
Talikdan natin ang kasamaan at kasalanan.  
Harapin natin ang matapat na paglilingkod sa Diyos  
bilang mga maaasahang kaanib  
ng kanyang banal sa Simbahang Katolika.  
Kung kayo’y makapangangakong tatalikod sa lahat ng hadlang sa katuparan ng panukala ng Diyos  
upang kayo’y makapamuhay  
bilang matapat at maaasahang kaanib ng kanyang angkan,  
pakisagot ninyo itong tatlong katanungan:

**P**– Para kayo makapamuhay bilang mga malayang anak ng Diyos, ang kasalanan ay itinatakwil ba ninyo?

**B**– Opo, itinatakwil namin.

**P**– Para kayo’y huwag mapailalim sa kasalanan, ang kaakit-akit na tukso ng kasamaan ay itinatakwil ba ninyo?

**B**– Opo, itinatakwil namin.

**P**– Si Satanas na pinanggagalingan ng kasalanan at pinuno ng kadiliman ay itinatakwil ba ninyo?

**B**– Opo, itinatakwil namin.

**P**– Ngayon nama’y ating harapin ang ating pananampalataya.

Kung kayo’y makapangangkong magsisikap mamuhay

bilang mga ikinarangal na anak ng Diyos Ama, kung tutularan ninyo siya sa kanyang kabutihan, pagmamahal sa lahat, at pagmamalasakit para sa pangkalahatang kapakanan, pakisagot ninyo ang katanungang ito: Sa Diyos Amang makapangyarihan sa lahat at Lumikha ng langit at lupa, kayo ba ay sumasampalataya?

**B**– **Opo, sumasampalataya kami.**

**P**– Kung kayo’y makapangangkong magsisikap mamuhay bilang mga tunay na kapatid ng Panginoong Hesus,

kung gagawin ninyong simulain sa buhay ang kanyang katwiran, katarungan, at paglilingkod sa lahat alinsunod sa kanyang pagmamahal, pakisagot ninyo ang katanungang ito: Sa iisang Anak ng Diyos, ang ating Panginoong Hesukristo, na ipinanganak ni Santa Mariang Birhen, ipinako sa krus, namatay, inilibing, muling nabuhay at naluluklok sa kanan ng Ama, kayo ba ay sumasampalataya?

**B**– **Opo, sumasampalataya kami.**

**P**– Kung kayo’y makapangangkong susunod sa patnubay ng Espiritu Santo at kung sisikapin ninyong mapaunlad ang kaloob niyang buhay at pagmamahal upang maging mga maipagmamalaking anak ng Diyos Ama at kapatid ng Panginoong Hesus,

pakisagot ninyo ang katanungang ito: Sa Espiritu Santo, sa Banal na Simbahang Katolika, sa kasamahan ng mga banal, sa kapatawaran ng mga kasalanan, sa muling pagkabuhay ng mga namatay, at sa buhay na walang hanggan, kayo ba ay sumasampalataya?

**B**– **Opo, sumasampalataya kami.**

**P**– Bunga ng pagmamahal ng Diyos na makapangyarihang Ama ng ating Panginoong Hesukristo,

tayo ay pinatawad sa ating kasalanan noong tayo’y muling isilang sa tubig at Espiritu Santo.

Tulongan nawa niya tayong mamalaging tapat sa ating Panginoong Hesukristo ngayon

**B** – **Amen.**

*[Babasbasan ng pari ang mga nagsisimba habang inaawit ang angkop na awitin.]*

## PANALANGIN NG BAYAN

**P**– Ang muling pagkabuhay ng Panginoon ang pumupuno sa atin ng hangaring mamuhay ng bagong buhay—na may katapatan, kalinisan, kabanalan, pag-ibig, at paglilingkod. Manalangin tayo matupad ang mga ito para sa lahat:

**B** – **Panginoon, dinggin Mo kami.**

\* Upang ang sambayanan ng mga mananampalataya ay magbigay saksi sa muling pagkabuhay ni Kristo sa pamamagitan ng patuloy na pagbabagong-loob mula sa kasalanan, manalangin tayo. **B.**

\* Upang ang Santo Papa, ating mga Obispo, at lahat ng ating pinunong espirituwal ay magtamo ng kasiyahan at mapuspos ng kapayapaan dahil sa muling pagkabuhay ni Kristo, manalangin tayo. **B.**

\* Upang ang mga nasisiraan ng loob dahil sa ‘di-masupil na karahasan, paniniil, at paghihirap ay makatagpo sa Muling Pagkabuhay ng lakas at tapang upang magpatuloy sa pagtatatag ng mas maayos na lipunan, manalangin tayo. **B.**

\* Upang tayong lahat ay makatanggap ng biyaya ng Pasko ng Pagkabuhay, bagong puso at isipan, na magdudulot ng bagong buhay sa ating mga pagpapahalaga, pamayanan, at institusyon, manalangin tayo. **B.**

**P**– Panginoong Diyos, nawa’y ang kaluwalhatian ng muling pagkabuhay ng Iyong Anak ay laging magingning sa aming buhay, at nawa’y ang aming isip, salita, at gawa ay sumalamin sa bagong buhay na Kaloob Mo sa amin. Hinihiling namin ito sa pangalan ni Hesukristo, ang aming Panginoon.

**B** – **Amen.**

## PAGDIRIWANG NG HULING HAPUNAN

**P** – Manalangin kayo . . .

**B** – **Tanggapin nawa ng Panginoon itong paghahain sa iyong mga kamay sa kapurihan niya at karangalan, sa ating kapakinabangan at sa buong Sambayanan niyang banal.**

## PANALANGIN UKOL SA MGA ALAY

**P**– Ama naming Lumikha,  
masaya naming ipinagdiriwang ang Pasko ng  
Pagkabuhay  
ngayong aming ginaganap ang paghahaing ito  
ng Anak mong mahal,  
para sa muling pagsilang at pakikinabang ng  
iyong Sambayanan,  
sa pamamagitan niya kasama ng Espiritu Santo  
magpasawalang hanggan.

**B** – Amen.

## PREPASYO I

**P** – Sumainyo ang Panginoon.

**B**– At sumaiyo rin.

**P** – Itaas sa Diyos ang inyong puso at diwa.

**B**– Itinaas na namin sa Panginoon.

**P** – Pasalamat natin ang Panginoong ating  
Diyos.

**B**– Marapat na siya ay pasalamat.

**P**– Ama naming makapangyarihan,  
tunay ngang marapat na ikaw ay aming  
pasalamat lalo  
ngayong ipinagdiriwang  
ang paghahain ng Mesiyas,  
ang maamong tupa na tumubos sa aming lahat.  
Ang iyong Anak na minamahal  
ay naghain ng sarili niyang buhay.  
Siya ang tupang maamong umako sa  
kaparusahan  
upang mapatawad ang kasalanan ng sanlibutan.  
Sa pagkamatay niya sa banal na krus,  
ang kamatayan namin ay kanyang nilupig.  
Sa pagkabuhay niya bilang Manunubos,  
pag-asa't pagkabuhay ay aming nakamit.  
Kaya kaisa ng mga anghel  
na nagsisiawit ng papuri sa iyo  
nang walang humpay sa kalangitan,  
kami'y nagbubunyi sa iyong kadakilaan:  
**B**–Santo, santo, santo Panginoong Diyos ng  
mga hukbo. Napupuno ang langit at lupa ng  
kadakilaan mo. Osana sa kaitaasan!

Pinagpala ang naparirito sa ngalan ng  
Panginoon. Osana sa kaitaasan!

## PAGBUBUNYI

**B** – Sa krus mo at pagkabuhay kami'y natubos  
mong tunay, Poong Hesus naming mahal,  
iligtas mo kaming tanan ngayon at  
magpakailanman.

## PAKIKINABANG

**B** – Ama namin . . .

**P** – Hinihiling namin . . .

**B** – Sapagkat iyo ang kaharian at ang  
kapangyarihan at ang kapurihan  
magpakailanman. Amen.

## PAANYAYA SA KAPAYAPAAN PAGHAHATI-HATI SA TINAPAY

**B** – Kordero ng Diyos . . .

## PAANYAYA SA PAKIKINABANG

**P** – Ito ang Kordero ng Diyos na nag-aalis ng  
mga kasalanan ng sanlibutan. Mapalad ang mga  
inaanyayahan sa kanyang piging.

**B** – Panginoon, hindi ako karapat-dapat na  
magpatuloy sa Iyo ngunit sa isang salita Mo  
lamang ay gagaling na ako.

## Antipona ng Pakikinabang

*(Ipahahayag lamang kung walang awiting  
nakahanda.)*

Si Kristo'y inialay na Pamaskong maamong  
tupa. Magsalo tayong masaya sa tinapay na  
pamista, bago't wagas. Aleluya!

## PANALANGIN PAGKAPAKINABANG

**P** – Ama naming mapagmahal,  
lingapin mong lagi kaming sambayanan mo  
upang sa ipinagdiriwang naming Pasko ng  
Pagkabuhay ni Kristo  
sapitin namin ang kaliwanagan ng pagkabuhay  
sa piling mo,  
sa pamamagitan niya kasama ng Espiritu Santo  
magpasawalang hanggan.

**B** – Amen.

## PAGWAWAKAS

**P** – Sumainyo ang Panginoon.

**B**– At sumaiyo rin.

**P**– Pagpalain kayo ng makapangyarihang  
Diyos: Ama at Anak at Espiritu Santo.

**B** – Amen.

**P**– Taglayin ninyo sa inyong pag-alis ang  
kapayapaan ni Kristo. Aleluya! Aleluya!

**B** – Salamat sa Diyos.

**Aleluya! Aleluya!**



**WORD AND LIFE  
PUBLICATIONS**

Don Bosco Compound, A. Arnaiz Ave. cor. Chino Roces Ave., Makati, Metro Manila

Postal Address: P.O. Box 1820, MCPO, 1258 Makati, Metro Manila, Philippines

Tel. Nos. 8894-5401; 8475-8945 • Website: [www.wordandlife.org](http://www.wordandlife.org)

• E-mail: [wordandlifepublications@gmail.com](mailto:wordandlifepublications@gmail.com) • FB: Word And Life Publications

• Editorial Team: Fr. R. De Guzman, J. Lacandazo, V. David, R. Molomog, D. Daguio

• Illustrations: A. Sarmiento, B. Cleofe • Circulation: R. Saldua